

ՀԱՆՐԱՅԻՆ ՔՆՆԱՐԿՈՒՄ
13 մայիս 2022 թվականը. Արթիկ

ԱՐՁԱՆԱԳՐՈՒԹՅՈՒՆ

<<Կլորիկ>> ՍՊԸ-ի կողմից ներկայացված, Շիրակի մարզի Արթիկի տուֆի հանքավայրի Արևելյան տեղամասի արդյունահանման աշխատանքների շրջակա միջավայրի վրա ազդեցության գնահատման (ՇՄԱԳ) հաշվետվության վերաբերյալ հանրային քննարկման

Հանրային քննարկումը սկսվեց ժամը 14:00-ին:

Ներկա էին՝ Արթիկի համայնքապետարանի քաղաքաշինության և հողօգտագործման բաժնի պետ Սեյրան Ղուբայանը, ՇՄԱՓԿ ՊՈԱԿ-ի գլխավոր մասնագետ Արմինե Վարդանյանը, Արթիկի համայնքապետարանի համապատասխան բաժինների աշխատակիցներ, կազմակերպությունների ներկայացուցիչներ, համայնքի բնակիչներ:

Հանրային քննարկումը վարում էր Արթիկ համայնքի ղեկավար Ա. Ոսկանյանի կողմից լիազորված անձ՝ Արթիկի համայնքապետարանի քաղաքաշինության և հողօգտագործման բաժնի պետ Սեյրան Ղուբայանը: Նա ողջունեց ներկաներին, ներկայացրեց հանրային քննարկման թեման:

Հանրային լսումների օրակարգում ընդգրկված ծրագրի նախագիծն ընդհանուր գծերով ներկայացրեց ՇՄԱՓԿ ՊՈԱԿ-ի գլխավոր մասնագետ Արմինե Վարդանյանը: Նա համառոտ ներկայացրեց փորձաքննական գործընթացի իրավական հենքը, այն է՝ <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի /21.06.2014թ. ՀՕ_110_Ն/, ինչպես նաև ՀՀ կառավարության 19.11.2014թ. N1325_Ն որոշման հավելվածի համաձայն՝ տեղի են ունենում Շիրակի մարզի Արթիկի տուֆի հանքավայրի Արևելյան տեղամասի արդյունահանման աշխատանքների շրջակա միջավայրի վրա ազդեցության գնահատման (ՇՄԱԳ) հաշվետվության վերաբերյալ հանրային քննարկումների (4-րդ) փուլը: Հանրային քննարկումից առնվազն 7 աշխատանքային օր առաջ իրականացվել է հանրության իրազեկում, մասնավորապես հայտարարությունը տեղադրվել է Հայաստանի Հանրապետություն պաշտոնական օրաթերթում, ՀՀ շրջակա միջավայրի նախարարության պաշտոնական կայքէջում, Արթիկի համայնքապետարանի պաշտոնական էջում:

<<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի 14-րդ հոդվածի 4-րդ մասի 2-րդ կետի բ ենթակետով

Նախատեսվող գործունեությունը ենթակա է շրջակա միջավայրի վրա ազդեցության փորձաքնության, դասակարգվում է Ա կատեգորիայի գործունեության տեսակների ցանկում: Նա ներկայացրեց փորձաքնության գործընթացը, որն իրականացվում է 2 փուլերով: Առաջին փուլը դա նախնական փուլն է, որի ընթացքում փորձաքնության է ենթարկվում նախնական գնահատման հայտը, ինչի հիման վրա կազմվում է տեխնիկական առաջադրանք: 2-րդ փուլը հիմնական փուլն է, որը ներկա պահին ընթանում է: Այս փուլում փորձաքնության է ենթարկվում գնահատման հաշվետվությունը, որը կազմվել է նախնական փուլի հիման վրա տրամադրված տեխնիկական առաջադրանքի հիման վրա: Գնահատման հաշվետվության փորձաքնության այս փուլում կարծիքներ, դիտողություններ և առաջարկություններ ստանալու նպատակով դիմել ենք Շրջակա միջավայրի նախարարության ստորաբաժանումների և համապատասխան ոլորտի պետական լիազոր կազմակերպությունների: Ստացված առաջարկությունները և դիտողությունները հաշվի ենք առել հաշվետվության լրամշակված տարբերակում, և այս պահին հանրային քննարկումներին ենք ներկայացնում գնահատման հաշվետվության վերջնական լրամշակված տարբերակը, որի հիման վրա կազմվել է պետական փորձաքնական եզրակացության որոշման նախագիծը: Օրենքով սահմանված կարգով հանրային ծանուցումից առնվազն 10 աշխատանքային օրվա ընթացքում հանրությունն իր առաջարկությունները, դիտողությունները գրավոր տեսքով կարող է ներկայացնել Շրջակա միջավայրի նախարարություն, որից հետո կտրվի օրենքով սահմանված կարգով փորձաքնական եզրակացություն:

Ելույթ ունեցան.

<<Կլորիկ>> ՍՊԸ ընկերության փորձագետ Զարուհի Զուռնաչյանը, ով ընդհանուր գծերով ներկայացրեց նախագիծը: Բոլոր առաջարկությունները և դիտողությունները հաշվի են առնվել և լրամշակվել հանրային քննարկման դրված նախագծում: Նա առաջարկեց ներկաներին հարց ու պատասխանի միջոցով ներկայացնել ՇՄԱԿ հաշվետվությունը, բարձրացնել մտահոգիչ հարցերը:

Ա. Վարդանյանը հարցրեց, տարածը, որը պիտի տրամադրվի ընկերությանը, ինչ նշանակության տարածքներ են:

Ս. Ղուաթյանը՝ արդյունաբերության, ընդերքօգտագործման և այլ արտադրական նշանակության հողեր են:

Արմինե Վարդանյանն ասաց, որ փակ քարհանքերի տարածը, որի վրա բնապահպանական ծրագրով նախատեսվում է անտառպուրակի հիմնում, գտնվում է <<Կլորիկ>> ՍՊԸ-ի կողմից վարձակալված տարածքի հարևանությամբ: Այստեղ պետք է իրականացվեն պաշտպանիչ միջոցառումներ հանքի տարածքի և անտառպուրակի միջև ծառատունկի տեսքով: Արդյոք Արթիկի համայնքապետարանը որոշել է, թե ինչ ծառատեսակներ են լինելու պաշտպանիչ գոտում:

Սեյրան Ղոթայանը պատասխանես, որ այս պահին ծառատեսակների հարցը չի համաձայնեցվել Արթիկի համայնքապետարանի հետ, որովհետև Արթիկի համայնքապետարանի քաղաքաշինության բաժինը առաջարկներ չի ստացել, բայց մոտակա ժամանակահատվածում այդ հարցը մեր նախաձեռնությամբ կհստակեցվի:

Զարուհի Զուռնայանն ավելացրեց, որ գործող օրենսդրությամբ քննարկվելիք երկու տարածքների միջև սահմանված հեռավորությունը կազմում է մինիմումը 50 մ, սակայն <<Կլորիկ>> ՍՊԸ-ն որպես սանիտարապաշտպանիչ գոտի պահպանել է 93 մ հեռավորություն: Նախատեսված բնապահպանական լրացուցիչ միջոցառումներից նախատեսվում է ծառատունկ, ջրցան մեքենայով քարհատում, ինչը փոշու արտանետումները կհասցնի նվազագույնի: Ծրագրի նախագծում մանրամասն ներկայացված են բնապահպանական բալոր միջոցառումները: Ծառատունկն իրականացնելու է եռաշերտ, որպեսի ստեղծվի ավելի խիտ պաշտպանություն: Ընկերությունը փոշու արտանետումների քանակությունը հանքարդյունահանման գործընթացում նվազեցնելու համար ստանձնել է պարտավորություն հասցնել մինիմումի, այդ իսկ պատճառով գնել է ջրցան տեխնիկա:

Արմինե Վարդանյանը հարցրեց, երբ է նախատեսվում իրականացնել ծառատունկը:

Զարուհի Զուռնայանն ասաց, այդ աշխատանքները կսկսվեն այն ժամանակ, երբ ընկերությունը կստանա հանքարդյունահանման լիցենզիա, իրավունք կունենա այդ տարածքում որևէ գործողություն կատարելու, հենց ստանան լիցենզիան, ընկերությունը կդիմի Արթիկի համայնքապետարանի համապատասխան բաժին՝ ծառատեսակները հստակեցնելու համար: Պետք է լինեն ծառեր, որոնք այս կլիմային հարմար են և ավելի արագ կաճեն, ընկերությունն էլ պիտի խնամք իրականացնի, որպեսզի այդ ծառերը կաչեն և աճեն:

Արմինե Վարդանյանը հարցրեց, այդպեք հանքավայրի տարածքում ջրային պաշարներ կան:

Ս. Ղոթայանը պատասխանեց, որ կոնկրետ այդ տարածքում չկան, սակայն հարակից տարածքները զուրկ չեն ջրային պաշարներով:

Համայնքի բնակիչ Դավիթ Կիկոյանը հարցրեց, արդյոք բավարար է սանիտարապաշտպանիչ գոտին հարակից տարածքներից պաշտպանելու համար:

Արմինե Վարդանյանը պատասխանեց, որ մեկ տարի առաջ <<Կլորիկ>> ՍՊԸ-ն դիմել էր << շրջակա միջավայրի նախարարություն, սակայն բավարար հեռավորություն չապահովելու համար ընկերությունը մերժվել էր համապատասխան լիազոր մարմնի կողմից: Դրանից հետո կորոդինատների փոփոխությունից հետո ընկերությունը կրկին դիմել է համապատասխան լիազոր մարմնին:

Սեյրան Ղուբայանը նշեց, որ ամենահուզող բնապահպանական հարցը փոշու արտանետումներն են, որոնք պետք է նվազեցվեն և հասցվեն մինիմումի:

Ա. Վարդանյանն ասաց, որ նախատեսվում է երեք անգամ ջրցանում իրականացնել: Արթիկի համայնքապետարանը նույնպես հետևողական պիտի լինի, որ իրականացվեն բոլոր պաշտպանիչ միջոցառումները:

Սեյրան Ղուբայանը ասաց, որ համայնքը չի առարկում: Բնականաբար հանքարդյունահանումը պարտադիր պայման է մեր տարածաշրջանի զարգացման համար, ունի նաև սոցիալական բաղադրիչ: Ինչ պահանջներ որ կան հանքարդյունահանման պատշաճ իրականացման համար, պիտի պահպանվեն, փոշու արտանետումները հասցվեն մինիմումի, ողջունելի է, որ մեր տարածաշրջանում իրականացվում են հանքարդյունահանման աշխատանքներ՝ բնապահպանական նորմերի ու պահանջների պահպանմամբ:

Մասնակիցների կողմից բարձրացվեցին հարցեր.

Դավիթ Կիկոյանը հարցրեց, արդյոք հետագայում ընկերությունը ռեկուլտիվացիա անելու է այդ տարածքների վրա, եթե այո, ինքը խնդիր չի տեսնում:

Արմինե Վարդանյանը ասաց, որ ռեկուլտիվացիայի հետ կապված բոլոր միջոցառումները ներկայացված են նախագծում:

Ս. Ղուբայանը ասաց, ողջունելի է, որ շահագործումից հետո ընկերությունը նաև ռեկուլտիվացնելու է այդ տարածքները:

Զարուհի Զուռնայանը ասաց, որ ընկերությունը չի սպասի 20 տարվա շոհագործման ժամկետի սպառմանը, ապա ռեկուլտիվացնի տարածքները, կազմակերպությունն ի սկզբանե առաջին տարուց ռեկուլտիվացիոն գումարները պիտի որպես դեպոզիտ մուծի պետության կողմից մատնանշված որևէ հաշվեհամարի, եթե ընկերությունն անբարեխիղճ է մոտենում ռեկուլտիվացիային, նա արդեն իսկ պետության հաշվեհամարին գումար ունի ի պահ, որով պետությունն արդեն ինքն է մրցույթ հայտարարում և կազմակերպում ռեկուլտիվացիա այդ տարածքներում: Այսինքն չռեկուլտիվացնելու խնդիր այստեղ չի կարող լինել:

Համայնքնի բնակիչ Հ. Հակոբյանը առաջարկեց շուտափույտ սկսել աշխատանքները:

Նիստը վարող Ս. Ղուբայանը համայնքի ղեկավար Ա. Ոսկանյանի և համայնքի բնակիչների հանունից հայտնեց համայնքի դրական դիրքորոշումը:

Նիստն ավարտվեց ժամը 14:45-ին:

Նիստը վարեց՝

Արթիկ համայնքի ղեկավարի կողմից լիազորված անձ՝

Արթիկի համայնքապետարանի

քաղաքաշինության և հողօգտագործման բաժնի պետ Ս. Ղուարյան

Արձանագրեց՝

Արթիկի համայնքապետարանի

քարտուղարության, անձնակազմի

կառավարման, տեղեկատվական տեխնոլոգիաների

բաժնի առաջատար մասնագետ՝ Ս. Չարչյան

<<Կլորիկ>> ՍՊԸ-ի տնօրեն՝ Ս. Պետրոսյան



Կից ներկայացվում է հանրային քննարկման տեսաձայնագրությունը:

Հանրային քննարկումների մասնակիցների ցանկը կցվում է արձանագրությանը:



<<Կլորիկ>> ՍՊԸ-ի կողմից ներկայացված, Շիրակի մարզի Արթիկի տուֆի հանքավայրի Արևելյան տեղամասի արդյունահանման աշխատանքների շրջակա միջավայրի վրա ազդեցության գնահատման (ՇՄՍԳ) հաշվետվություն

վերաբերյալ 4-րդ հանրային քննարկումների մասնակիցների

ՑՈՒՑԱԿ

13.05.2022 թ. ժամը 14:00-ին

Արթիկի համայնքապետարան

Հ/Հ	Ֆիզիկական/իրավաբանական անձի անուն ազգանունը	Հեռախոսահամարը	Զբաղվածությունը	Ստորագրությունը
1	Իսկանդարյան Մարտիրոս	0-91-22-58-22	ԴՕԿ	
2	Ալեքեան Գևորգյան	098-24.72.95	Պրեկ Զանաթյա	
3	Շաքումի Եսախանյան	091-39-87-73	Քառայ. կորպորացիա	
4	Պարոտյան ԵՐԳՅԱՆ	093-438-048	Զբոսիչ պարտնյոր	Իսախանյան
5	Խաչիկյան Վահրամյան	077-76-83-24		Իսախանյան
6	Պետրոսյան Կարեն	089-58-51-12		
7	Կախտյան Կարեն	094-73.70-04		
8	Կարապետյան Կարեն	077-992888		ԲԱՅԵՄ
9	Դեղրյան ԴԱՐՅԱՆ	053825833		ԴԵՂՐՅԱՆ
10	ԱՆՆԿՅԱՆԿ ԾԵԿԱՆ	093-51-81 00		ԵՆՆԿՅԱՆ
11	Պատրիկ Արթուրյան	079753377	Ֆուտբոլիստ	
12	Խանայր Ժոզեֆյան	083-40-40-36	Կուլ. ազգային	
13	Զավենյան Կարեն	084-010-666	ստեղծարար և լուսանկարիչ	
14	Պետրոսյան Դավիթ	077-73-33-09	արհեստագործ, լուսանկարիչ	
15	Պատրիկ Կարեն	077852017	Ֆուտբոլիստ	
16	ՕՂԿՅԱՆ ԵՐԱՅԵԱՆ	093209856	Ֆուտբոլիստ	
17				
18				
19				
20				
21				
22				